

عشـان الوظيفة	وصولها محـال
يطقوا الدكاترة	وتحزن نـدي
عشـان المذاكرة	إلي ضاعت سـدي
دا غير إلي صايـع	و حال أهله حالة
عشـان أمله ضايـع	بسبب البطالة
وما دام يا بلدنا	دماغك عقيم
ها تطلع ولادنا	بهيمة وبهيم
ننهق نبرطع	في بنها وأبـيس
وإن جعنا نقطع	لناكل سـريس



الأولة آه والتانية آه والتالثة آه

الأولة لليتامي

والتانية المساكين

والتالثة دمة حائرة فى عيون المساكين

الأولة لليتامى ومين يواسيهم

والتانية من الأعاقة يا ربى تشفيهم

والتالثة دمة حائرة فى مآقيهم

الأولة لليتامى ومين يواسيهم جزاته الخير

والتانية من الأعاقة يا ربى تشفيهم كبير وصغير

والتالثة دمة حائرة فى مآقيهم وكل فقير

الأولة لليتامى ومين يواسيهم جزاته الخير والجنة

والتانية من الأعاقة يا ربى تشفيهم كبير وصغير بنتمنى

والتالثة دمة حائرة فى مآقيهم بقالها كتير بتستني

الأولة آه والتانية آه والتالثة آه